

善本方志輯·第一編

中國地方志集成

萬曆任丘縣志
乾隆蔚縣志
康熙唐縣志

中國地方志集成

善本方志輯·第一編 ⑦

萬曆任丘縣志

乾隆蔚縣志

康熙唐縣志

鳳凰出版社 ● 上海書店 ● 巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號


中國地方志集成·善本方志輯·第一編

著 作 者	本 社 編選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)

萬曆任丘縣志

(明) 顧 問 纂 修



《萬曆任丘縣志》八卷，明萬曆六年
(一五七八)刊刻，現據鈔本影印。

目錄

萬曆任丘縣志·····	〇〇一
乾隆蔚縣志·····	二八五
康熙唐縣志·····	四六一

重修任丘縣志序

任丘有完志則始自大學士李文康公之
推轂王新蔡也蓋一時稱善云垂至于今
浹四紀餘矣其間地里如故而原隰變遷
習俗移易物力豐耗弗可同也建置有常
而法制規摹賦徭生齒增損消長弗可齊
也學校典禮整刷修舉弗盡一也官師淑
良靡紀選舉衆盛未書人士貞懿播在道

路而雜述可為昭鑒者滋多也夫何可弗
續志也邠綰綬來者二三君子亦嘗注意
率以艱於秉筆而止惟吾顧侯莅邑之明
年邑既大治則從容披邑志而歎慨然思
有以修之於是因舊文接後事采撫故實
罔羅放逸鄉耆必諏荒碑殘簡必稽合竝
衆所見聞壹裁之以獨斷必公必精甫再
閱月而告成事迺走使示余委之言震竊

聞之天下邑令賢則太平興天下邑志善則良史備夫令第職邑志不過邑事耳繫關太平良史鴻鉅之業此何哉方今海內事悉屬六官自廊廟所謀議暨百司庶府所展錯無非是者而其實本諸邑令令固六官之總萃而根柢之處也又其臨民也親其握柄也獨民夕有所欲愬朝而造庭伸矣令心有所欲為詞脫於口而問閭之

疾痛疴癢滌焉故令誠賢雖時未治橫波
弗遽及其民不賢而令世即清明倉猝無
捄於向隅也恩顧覆而菑剝床故也且天
下安徃而非邑也者令賢邑治而太平不
興者無之凡史之立也著徃竢來非以安
民而埤益於理耶夫令既根柢天下事足
繫太平之治矣其善志之則實錄焉故曰
太平有原賢令繫焉厥志弗遺良史之資

也要以有賢令然後能為善志則顧侯是
已或謂是書也一創於昔而任以顯再修
於今而任愈光燁乎若子長孟堅之相繼
也彼子長尚多牴牾而孟堅之精裁寔軼
甚茲而邑侯削則削筆則筆大將登壇旌
旗改色春風一拂枯朽增榮寧詎擬孟堅
與嗟乎是亦然矣是烏睹斯志之深者夫
任以故老所傳與耳目之猶及一二也異

時風樸事簡敦尚儉勤文即弗華實則充
美迺後相競以靡夸相率以媮薄聲容徒
盛公私殫詘焉天下事其原未有不約而
其流漸濫濫也惟在民上之所挽之今侯
身自為之坊矣而其著斯志大氏形己之
誠而無炫飾之心至悲邑境被水日以瘠
瘁民困不堪迹其深衷隱念蓋怒如也吾
觀人情經其家事畫慮鮮弗精籍記鮮弗

核於鄉鄰則否世之令以鄉鄰眎邑者非
尠矣若侯所謂治邑如治家而志則其家
之記籍焉又奚弗精核之有有讀其言者
其於以助流德澤豈不閎哉是志所以善
也苟為無本不徵不信焉用文之方今
聖天子綜核治吏振理典章若欲求賢令善志
以恢太平之綦隆備

國史之臧美建首善繇圻甸始將必於此乎

取瀾焉余豈敢靳吾任有華觀是榮亦惟
幸吾任有永惠是賴不然河山之東西江
湖之南北瓌偉斌斌其可盡乎其又以任
為觀也

萬曆戊寅長至日

賜進士出身翰林院編修文林郎同修
大明會典邑人劉元震書



任丘縣修志告示

任丘縣為重修邑志事切照縣必有志將以章往而示來志必有事藉以信今而傳後若非博採群言安能杜撰成卷所有科條合行昭示尚祈士庶逐款對揚遡嘉靖拾年以下自萬曆陸年以前壹文官武職舉貢甲第行何德政有無

勅命誥封

壹忠臣孝子節婦烈女行何實事有無

旌獎表題

壹文人騷客有何辭翰詩章壹元老宗臣有何神

碑

御製壹名山大川有無興寶藏而殖貨財壹冽井寒泉
有無濟民生而通地脉壹境內神祠孰為祀典之
所宜載壹民間寺觀孰為今時之所昇修壹何年
曾見物恠人妖殃氛異氣魑魅魍魎之變幻壹何
年曾見靈芝瑞麥祥雲甘露麟鳳龜龍之禎祥壹
何年豐稔大熟四境安寧壹何年水旱凶荒百姓
饑饉壹何年天響地震壹何年夏雹冬雷壹何處
地利昔有而今無壹何處水災昔無而今有壹何
處丘園近已開闢壹何處地畝近已荒蕪壹何村

風俗昔善而今薄惡壹何村戶口昔庶而今伶仃
壹何官行何善政至今民被其庥壹何官革何弊
政至今民蒙其福壹何法為便於民在所當因壹
何法為屬於民在所當革

凡所具列望我任源故家夙耆掇拾舊聞老師鴻
儒搜羅往跡開揭陳言逐日投縣中有博覽廣記
足資考訂者以禮優隆中有片善寸長可裨風教
者以類甄錄或逸才隱德人不及知或奇節孤操
衆所不與或身兼六藝之長而未遇於時或學貫
三才之蘊而不屑於仕俱宜據實呈報以憑顯微